

Das nicht abeslahen noch wegern, daran tut ir vns zcu gutem dancke. Gebin zcu Dresden am fritag nach Donati anno domini ꝛc. LXX sexto.

Dem rathe zcu Pirne vnsern lieben getruwen.

Nach dem Orig. auf Papier im Rathsarchiv zu Pirna.

Der obigen fürstlichen Anordnung sind mehrere Beschwerdeschriften der Handwerksmeister zu Pirna über den Rath vorausgegangen; eine derselben (in welcher die Beschwerdeführer ‚abermolens‘ ihre Gebrechen vortragen), findet sich im K. Haupt-Staatsarchiv noch vor. (Wittenb. Archiv. Pirna Bl. 20, 21.)

No. 174. 1477. 2. Apr.

*Rathmannen und geschworne Schöffen der Stadt Pirna Nicolaus Nößil d. Z. Burgermeister, Gregor Kucheler, Jacuff Czappe, Hans Kappe, Pauwel Kyppenhaynn, Jeronimus Bertoldi, Hans Bockel, Johannes Vlhorn, Johannes Kyttel, Maths Kannengisser, Jacuff Weller, Pauwel Fridel Eidgenossen bekennen, die Aecker in der Aue, in dem Egilsee und Schindeler's Mühle mit 40 Schock Geldes j. Z. von Bischof Johann von Meissen zu rechtem Mannlehn empfangen zu haben. (Vgl. No. 157.) Gegeben — verczenhundert darnach in dem sebinvndsebinzigesten iaren an der mitwochenn nach dem Palmentage.*

Orig. im K. Haupt-Staatsarchiv zu Dresden mit dem Stadtsiegel an einem Pergamentstreifen.

No. 175. 1478. 5. Mai.

*Kurf. Ernst und Herz. Albrecht vergleichen die zwischen Pirna und Radeberg wegen des Malz- und Gerste-Einkaufs zu Pirna und der Ausschiffung der gekauften Waare zu Loschwitz entstandenen Irrungen.*

Von gots gnaden wir Ernnt ꝛc vnd Albrecht gebruder ꝛc bekennen ꝛc, das wir die von Pirne vnd die von Radeberg vnnßer lieben getrawen uß irem irthumb, den sie vmb die maltz vnd gerste, die die vonn Radeberg zu Pirne kewffen, das sie die vonn Pirne die Elbe abe biß gein Loschkewittz uff schieffen furen, do auß zuschiffen vnd follent gein Radeberg zufuren vermeynten, das der von Pirne meynunge nicht was, sunder was die von Radeberg maltz ader gerste bey yn zcu Pirne kewffen, das solten sie in der stat vnd nicht uff den schieffen kewffen, solten das auch nicht anders denn uff wegen von Pirne gein Radeberg vnd uff keinem schieff die Elbe abe furen, gehabt, gutlich vertragen vnd geeynt haben, eynen vnd vertragen sie craft ditzs briues. Nemlich das wir die von Pirne vermocht, das sie den von Radeberg widder ir altherkommen freiheit vnd gewonheit vnns zu wolgefallen vorgunst, das sie bey yn in der stat zu Pirne vor der stat uff den schieffen, so die schieff drey tage ader wie lange sich das geburt marckt do gehalten, nach aller irer notturfft kewffen, auch selbst ein schieff ader mehri vonn Behemen mit gersten adder maltz noch irer notturfft herabe bestellen, doch das solch schieff mit der gerste adder maltz, was sie furen wurden, zcu Pirne drey tage adder wie vil sich das nach irer freiheit vnd aldem herkommen gebure, marckt halden vnd theten, das anndere fremde schieffleute von rechts vnd alder gewonheit wegenn zutun schuldig sein. Was denn die vonn Radeberg in der stat Pirne ader uff den schieffen, die dreye tage adder